

ZOFOTOKOZERERA

 Pamodzi ndi maumboni awa ndi zomuyamikira za mlongo wathu yemwe watisiya, ine ndikufuna kuti ndisiye mawu awa, nawonso. Kudziwana kwanga koyamba ndi banja la a Bell anali mwamuna wake, Jimmy, yemwe anali bwenzi lapachifuwa la bambo anga omwe anatsogola. Ndipo kenako pamene zaka zimadutsa, ine ndinadzakhala mtumiki ndipo ndinazadziwana ndi Mlongo Bell, ndi kumudziwa iye ngati Mkhristu weniwemi wodzipereka. Ife tonse tidzamusowa iye, kulikonseko. Ndi zophweka kwambiri kunena mawu pa winawake ngati uyu, chifukwa iwe sumasowa kuti ubwezere mmbuyo chirichonse. Iye anali chimene chinkafunikira kuti ukhale Mkhristu.

² Pamene ine ndinatumva mlongo akuyimba, mphindi zingapo zapitazo, izo zinangondikumbutsa ine kwambiri za kuyimba kwake, monga ife timamudziwira iye kuno. Iye amakonda kuyimba. Ndine wokondwa kwambiri kuti izi zachitika, pakuti izo moona zapanga momwe Mlongo Bell akanamverera. Iye akadakonda kudzifotokoza yekha mwanjira imeneyo. Pemphero langa, ndi pemphero lodzipereka ndiro, kuti ife tonse tidzabwere ku mapeto a ulendo ndi umboni wonga umene iye anali nawo.

³ Ine ndikufuna kuti ndiwerenge ena kuchokera mu Lemba pano, gawo chabe. Ine ndikumverera kuti iye anali wokonda kwambiri Mawu a Mulungu, ndipo Mawu Ake ndi Amuyaya kwambiri. Ndipo ine ndimaganiza kuti ndiwerenge gawo la mutu wa 14 wa—wa Yobu.

*Mwamuna wobadwa mwa mkazi ndi wamasiku
ochepa, ndi odzaza ndi mavuto.*

*Iye amabwera ngati duwa, ndipo amadulidwa: iye
amat'hawa nayenso ngati mthunzi, ndipo samapitirira.*

*...kodi inu mumatsegula maso anu pa munthu
wotereyo, ndi kunditengera ine mu chiweruzo ndi inu?*

*Ndani angatulutse chinthu choyerka kuchokera ku
chodetsedwa? osati mmodzi.*

*Powona masiku ake anatsimikiziridwa, chiwerengero
cha miyezi yake chiri ndi inu, inu munamuikira iye
malire amene iye sangathe kuwadutsa;*

*Tembenukani kuchoka kwa iye, kuti apumule,
kufikira iye atakwaniritsa, monga waganyu, tsiku lake.*

*Pakuti pamakhala chiyembekezo cha mtengo, ngati
iwo udulidwa, kuti iwo udzaphukiranso, ndi kuti
nthambi zake zanthete sizidzatha.*

*Ngakhale muzu wake ukalamba mu nthaka, ndi tsinde
lake lifa mu nthaka;*

*Komabe kupyolera mwa fungo la madzi iwo
udzaphuka, ndi kudzabala...ngati chomera.*

*Koma munthu amafa, ndipo amatha: eya,...
amapereka mzimu, ndipo iye ali kuti?*

*Monga madzi amaphwa m'nyanja, ndipo mitsinje
nkuphwa ndi kuwuma:*

*Chomwechonso munthu amagona pansi, ndipo
osaukanso: mpaka miyamba osakhalaponso, iwo
sadzauka, kapena kudzutsidwa ku tulo tawo.*

*O kuti inu mundibise ine mmanda, kuti inu
mukanandipangira chinsinsi, mpaka masiku a mkwiyo
wanu atapita,...*

*Ngati munthu afa, kodi iye adzakhalanso ndi moyo?
masiku onse a nthawi yanga yoikika ndidzadikira,
mpaka kusintha kwanga kudzabwere. Ine...*

*Inu mudzaitana,...Ndidzakuyankhani inu:
mudzakhala ndi chikhumbo chogwira ntchito ya dzanja
lanu.*

*Pakuti tsopano muwerenga mapazi anga:...inu
muyang'anira tchimo langa?*

⁴ Powerenga kuchokera mu Mawu Amuyaya, ndikufuna kuti ife tiganizire pa mawu amodzi kwa mphindi zochepa, ndipo mawu amenewo ndi Zofotokozerera.

⁵ Ziripo zochuluka za moyo zomwe ziri zofotokozerera. Ndipo palibe mmodzi amene amakhala padzikolo lapansi koma amene nthawi ina mmoyo wake amayenera kuyima ndi kuganiza za kumene iye anachokerako, chomwe chiri cholinga chake kuno, ndi kumene iye akupita pambuyo pake. Aliyense amakonda, angafune kuti ayang'anira kuseri kwa chotchinga.

⁶ Powerenga apa kuchokera mu Bukhu lakale kwambiri mu Baibulo, Yobu, mbadwa iyi, iye ankayesera kuti apeze chinthu chomwechi. Ndipo iye ankapereka kufotokoza kwake ku kuyamikira kwake kwa Mulungu, kufotokoza kuti Iye anali—moyo pambuyo pa imfa.

⁷ Nthawizina timamverera kuti, pamene tiyang'anizana ndi chinachake chonga ichi, kuti ichi ndicho mapeto. Koma si choncho. Ndi kusintha. Ndi...sitepe yapamwamba. Ndi kusamuka kuchoka mmoyo wina kupita ku wina.

⁸ Ndipo Yobu, mneneri, pamene iye anali kuganiza pa zinthu izi, iye anazindikira izo mu zomera, moyo wa zomera, moyo wa mtengo. Chotero iye anali akuzindikira izo, momwe kuti Mulungu akuyenera kukhala mu chirengedwe Chake; kuti ngati Iye anapanga chirengedwe, ndiye kuti Iye akuyenera kumakhala

mu chirengedwe, chifukwa Iye anachipanga icho ndi cholinga, kuti Iyemwini azikhalamo, monga nyumba imene munthu angamange. Miyoyo yaing'ono iyi yomwe ili mu chirengedwe chonse cha Mulungu ndi yomvera Mlengi wake. Ndipo iye anali akuganiza, kuti, ngati mkuntho utabwera ndipo nkudzagwetsa mtengo wamphamvu, komabe, amenewo sanali mathero a mtengo umenewo. Iwo udzakhalanso moyo. Ngati mtengowo utafa, iwo udzakhala moyo.

⁹ Ndipo nthawi zambiri, pamene ife takhumudwa, ngati ife tingayang'ane motizungulira ife, inu mukhoza kumuwona Mulungu paliponse. Tsopano ife timutenge Iye, monga mu mtengo, ngati mtengo utaikidwa apa.

¹⁰ Ndipo chirichonse chinayikidwa kuno kuti chidzatumikire cholinga, chimodzimodzi monga momwe ife tiri kuno kuti tidzatumikire cholinga, chimodzimodzi monga momwe mlongo wathu anali kuno kuti adzatumikire cholinga. Ife tonse tiri kuno kwa cholinga cha Mulungu, ngati ife tingapeze chimene cholinga chimenecho chiri ndipo kenako nkuchitumikira icho bwino bwino. Pamene, ndithudi, ngati Mulungu amakhala wosamalitsa mokwanira za chiwukitsiro cha moyo wa zomera, Iye ndi wosamalitsa mokwanira za chiwukitsiro cha moyo wa munthu.

¹¹ Chotero Yobu anazindikira, mbadwayi, kuti—kuti mtengo, ngati iwo ufa, umakhalanso ndi moyo. Ndipo momwe chirimwe ndi chisanu zimasinthira zinthu zake, ndipo tsiku lirilonse kumeneko zimasiya umboni. Iye anazindikira ngati—a mtengo ukhala moyo mu nyengo yachirimwe, ndipo mwachiwonekere mu nyengo yachisanu iwo umafa, masamba amene anapachikika pa mtengowo.

¹² Tsopano, ife timaphunzitsidwa mu Lemba, kuti, pali Mtengo wa Moyo. Iwo unali m'munda wa Edeni. Ndipo Mtengo wa Moyo uwu ndi kumene Akhristu apachikika, monga tsamba pa Mtengo uwu.

¹³ Ndipo tsopano mu nthawi yachisanu, pamene masamba ali okongola, bwanji, iwo... Kapena, mu chirimwe, kani, pamene masamba ali okongola ndi obiriwira, pakapita kanthawi chisanu chimabwerapo ndipo chimawakongoletsa iwo ndi mitundu yosiyanasiyana, ndipo iwo amagwa kuchokera mu mtengowo. Ndipo moyo umabwereranso ku muzu wa mtengo. Ngati ife titangozindikira, ndi chinthu cha chinsinsi.

¹⁴ Kuno nthawi ina kale, ine ndinakumanizana nazo, kuti ndiyankhule ndi mwamuna amene ankati ndi wachikunja, wosakhulupirira. Ndipo ife tinali titayima pafupi ndi mtengo wa maapulo umene unali wake. Ndipo ine ndinamufunsa iye kuti mtengowo unali wazaka zingati, ndipo iye anandiua ine zaka zambiri, ndipo ndi madengu angati a maapulo omwe iwo unkatulutsa chaka chirichonse. Ndipo izi zinali gawo

loyambirira la Ogasiti, ndipo ine ndinadziwa, ndinazindikira kuti maapulo anali akugwa kale, ndipo masamba anali akusanduka bulauni. Ndipo ine ndinati kwa iye, "Ndikufuna ndikufunseni inu funso." Ine ndinati, "Nchifukwa chiyani masamba amenewo akusanduka bulauni ndi kumagwa kuchokera pa mtengo chisanu chirichonse chisanawagwere iwo?"

¹⁵ "Chabwino," iye anati, "ndi nyengo yachisanu ikubwera. Ndipo chifukwa chimene iwo asanduka bulauni ndi chifukwa chakuti moyo wachoka pa tsamba."

Ine ndinati, "Kodi moyo wapita kuti?"

¹⁶ Ndipo iye anati kwa ine, "Wabwerera ku muzu wa mtengo, kumene iwo unachokerako."

Ndipo ine ndinati, "Kodi awo ndiwo mathero a tsambalo?"

¹⁷ Iye anati, "Ayi. Moyo umenewo udzabwereranso mu kuphukira kwina, ndi tsamba latsopano." Iye anali asanazizindikire izo kale.

¹⁸ Ine ndinati, "Ndiye, ndikukupemphani kuti mundiuze ine, bwana, ndi Luntha lanji limene limathothola tsambalo pamtengo ngakhale nyengo yozizira isanafike, ndi kuwutumizanso moyo wake pansi mu nthaka, kuti ukatetezeke, kufikira kudza kwa nyengo ina. Inu mutha kuika madzi mu ndowa ndi kuika iyo pa mtengo, iwo sadzasintha konse ndi nyengo. Chotero zikusonyeza kuti pali Mulungu Amene amalamulira moyo."

¹⁹ Ndipo ife amene timadzinenera kuti ndife Akhristu, amene timabadwa mwa Mzimu wa Mulungu, takhala, mwa chisomo cha Mulungu, tasamutsidwa kuchokera ku mtengo wa imfa kupita ku mtengo wa Moyo. Ndipo pamene limodzi la masamba ligwa, monga ine ndinamva umboni uja kuchokera...mpingo wodabwitsa uwu, ku mpingo wa Gilt Edge Baptist, kumene azimzanga ambiri ofunika ndi mamembala, kumene limodzi la masamba ake lathothoka. Ife tikudziwa kuti moyo umenewo wabwerera kwa Mulungu Amene anawupereka iwo kwa cholina china, kuti udzangobwera mu chiwukitsiro cha anthu onse; osadzathothokanso nkomwe, mu Zakachikwi. Nthawi yopambana ikubwera.

²⁰ Yobu anali atazizindikira zinthu zimenezi. Kenako iye anazindikira mmoyo wa dzuwa.

²¹ Ngati mungazindikire, za mmawa, dzuwa limatuluka, ilo ndi khanda. Kuwala kwake kumakhala kofooka. Kenako ilo limadzabwera mu usinkhu wake wachinyamata, pafupifupi naini kapena teni koloko. Kenako masana, pakati pa tsiku, ilo limakhala mu mphamvu yake. Kenako ilo limayamba kugwa, ndipo potsiriza limakalowanso Kumadzulo, pamene ilo likufa kwa tsikulo. Kodi tinganene kuti amenewo ndi mapeto a

dzuwa? Ayi. Mmawa wotsatira, ilo limadzabwereranso, kuti litibweretsere ife tsiku latsopano.

²² Tsopano, ichi ndi chiyani? Ndi kufotokoza kwa Mulungu. Ndipo mawu akuti *kufotokoza* amatanthauza “kudziwitsa kumverera.” Ndi zofotokoza za Mulungu... kufotokoza kwa ife, kutidziwitsa ife kumverera Kwake kwa ife, kuti imfa siyimatilekanitsa ife Kwamuyaya. Ife tidzawukanso kachiwiri, tidzabwereranso kachiwiri.

²³ Nthawi zonse zimene mbewu ifera mu nthaka, mu nyengo ya masika ya chaka, monga maluwa awa, izo, mbewu zazing'onozo zimagwa mwa iwo pamene chisanu chimenya iwo, ndipo mbewuzo zimagwera pansi mnthaka. Ndipo ngakhale zimawoneka zachilendo, komabe ndi choonadi, Mulungu ndi wopandamalire koteru kuti Iye samanyalanya chirichonse. Iye amakhala ndi mwambo wa maliro a duwa Lake. Chisanu chikatha kuwamenya iwo, kenako pamadzabwera mvula ya masika, ndi misonzi yaikulu, ya madontho a mvula, imadontha kuchokera kumwamba, ndipo imadzakwirira mbewu yamaluwa ija, imadzamenya pa iyo, ndipo mwinamwake iyo imapita inchi imodzi kapena awiri pansi mu nthaka. Kenako mphepo yozizira imayamba kusesa, ndipo—ndipo maluwa aang'onowo amathothokapo, ndipo phesi limachokapo, ndipo kenako mphukira imawundana ndi kudzawuma. Ndipo kenako mbewu yaing'onyo imadzauma, ndipo utomoni umadzachoka mwa iwo. Ndipo, bwanji, podzafika nthawi yophukira, simungapeze chirichonse chotsalira cha iwo.

²⁴ Koma kodi amenewo ndi mathero a duwalo? Ayi. Ilo linaikidwa kuno ndi cholinga. Ndipo pamene ilo latumikira cholinga chake bwino, ndiye Mulungu amatidziwitsa ife, mwa duwalo, zofotokoza Zake kwa ife.

²⁵ Motsimikiza basi monga momwe dzuwa limayandikira pang'ono ku dziko lapansi, kuti lidzabweretse kuwala kotenthalero, inu simungakhoze kuwubisa moyo umenewo paliponse. Inu mukhoza kuwuphimba iwo ndi mwala. Kodi munayamba mwazindikira pamene tuyala konkire yanu mu nyengo yachisanu, udzu umakhala wokhuthala kwambiri pati mu nyengo yophukira? Mozungulira m'mphepete mwa konkire. Nchifukwa chiyani zimatero? Ndi moyo umenewo umene uli pansi pa thanthwe. Pamene dzuwa liyamba kusambitsa dziko lapansi, inu simungawugwire moyo. Iwo umapeza njira yotulukira pansi pa konkire ndi kukankhira mutu wake waung'ono mmwamba, kuti ukatamande Mulungu, chifukwa dzuwa ndi chiwukitsiro. D-z-u-w-a ndi chiwukitsiro cha moyo wonse wa zomera. Inu simungathe kuwubisa iwo ngati dzuwa likuwalla.

²⁶ M-w-a-n-a amawoneka kuti ali, nthawi zambiri, ali kutali. Koma pamene Iye ayamba kuwala, “Dzuwa la chirungamo

lidzatulukira ndi machiritso mmapiko Ake.” Ndipo moyo uliwonse, ziribe kanthu kumene iwo wakwiridwa, mwakuya chotani, mozama chotani mmadzi, kapena mu mchenga, mmiyala, iwo udzawuka ku ulemelero wa Mulungu.

²⁷ Chifukwa, Mulungu akufotokoza kwa ife, kutiwonetsera ife basi zimene Iye akuchita. Cholina chake ndi chakuti atiwonetsera ife, kudzera mmaluwa, kudzera mu dzuwa, kudzera mmitengo, kudzera mmoyo wonse, kuti Iye ndi chiwukitsiro ndi Moyo. Mulungu amawuwukitsa Moyo Wake pamene wakwaniritsa cholinga Chake.

²⁸ Ndipo ngati duwa lichita cholinga chake, ndipo Mulungu nkukhala ndi chiwukitsiro cha duwa, kuli bwanji kwa mlongo wathu amene amatumikira cholinga chake m'moyo. Mulungu ali nacho chiwukitsiro kwa iwo amene amakwaniritsa cholinga chawo. Ife tikhoza kupeza cholinga chathu ndi kuwatumikira iwo.

²⁹ Maluwa aang'ono awa, inu mukhoza kufunsa za iwo. Iwo ali kuno, madzulo ano, kuti adzakwaniritsa cholinga. Ndicho chimene maluwa awa, Mulungu anawakonzera iwo, kuti adzatumikira cholinga. Pang'ono ndi pang'ono iwo amakhoza kupita.

³⁰ Ngati inu mungazindikire, maluwa amenewa si onsewo ali mtundu womwewo wa maluwa. Iwo amasiyana mitundu, kusonyeza kuti Mulungu ndi Mulungu wa zosiyanasiyana. Iye amakonda mitundu yosiyanasiyana. Kuwasakaniza iwo pamodzi kumapanga mulu wa maluwa umene Iye amawakonda. Mulungu, Mulungu wa zosiyanasiyana. Iye ali ndi maluwa Ake oyera. Iye ali ndi maluwa Ake ofiira. Ndipo Ake, mitundu yonse ya maluwa, ndipo kuwaika iwo pamodzi zimatumbikira cholinga Chake.

³¹ Iye ali ndi mapiri aakulu, ndi mapiri aang'ono, ndi chigwa. Iye ali ndi zipululu. Iye ali ndi nyanja. Iye ali ndi mtengo wa mthundu, mtengo wa kanjedza. Chirichonse chikugwirizana limodzi m'malo ake, kumene, Mulungu, Mulungu wa chirengedwe chonse angakhoze kukhalako ndi kusangalala ndi umunthu Wake, monga kukhala moyo mu zolengedwa Zake mu nthawi, ndiko kutumikira cholinga Chake.

³² Ngati Iye akuganiza mokwanira kuti awukitse izo, ndipo anapanga njira yopulumukira kwa izo, kwa utumiki mtsogolomo kachiwiri, ndi mochluluka chotani mmene Iye wachitira kwa anthu, mosalabadira chimene ife tiri, mtundu wanji, mtundu, kachikhulupiro, kapena chirichonsecho, zimene zingakhale pamodzi mu umodzi wa Kukhalapo kwa Mulungu ndi madalitso Ake. Kudzakhala chiwukitsiro, tsiku lina, motsimikiza basi monga chiripo chiwukitsiro cha duwalo. Ife tonse timaziwona zimenezo. Ife tonse timazikhulupirira izo. Ife tonse timadziwa kuti zinthu zonsezi ndi zofotokozena. Izo zikuchitira umboni,

kutiwuza ife, kutipanga, kudziwa kumverera kumene Mulungu akufuna ife kuti tidziwe.

³³ Anthu amene anatumiza maluwa awa, amzawo a mlongo wathu amene anatumiza maluwa awa, iwonso akupanga kudziwitsa ku banja, kufotokoza kwa iwo kuti kumverera kwavo kwa chisoni kwa mzawo, kwa mlongo, kapena—kapena wokondedwa. Iwo akuyesera kuti afotokoze. Izo ndi zofotokozerera, kuzipangitsa kuti zidziwike, kulengeza chinachake.

³⁴ Zinthu zonsezi zimene ife tingakhoze kuziyankhula, kwa maora, zofotokozerera za Mulungu kwa mtundu wa anthu, zonse izi ziri ndi gawo lake, ndipo zimasewera ilo bwino bwino. Duwa lirilonse, mtengo uliwonse, kutuluka kwa dzuwa kulikonse, kulowa kwa dzuwa kulikonse, chirichonse chimasewera gawo lake bwino. Koma zofotokozerera zonsezo za Mulungu, kutipangitsa ife kudziwa, ndi kutipatsa ife chitsanzo, kuti Iye anali woti adzapange zofotokozena zazikukulu tsiku lina, zofotokozena Zamuyaya.

³⁵ Ndiye Iye anatumizira ife chifaniziro Chake chofotokozeredwa, mu mawonekedwe a Mwana Wake. Mulungu anatumiza Mwana Wake, mu chifaniziro chofotokozedwa cha Iyemwini, kuti adzalengeze kwa mtundu wa anthu chimene Iye ankaganiza za ife. Iye anasintha mawonekedwe Ake. Iye anadzakhala munthu. Iye anadzakhala mmodzi wa ife.

³⁶ Kuchokera kwa Mulungu, Atate Wamuyaya, kuchokera kwa Mlengi wamkulu Yemwe, pasanakhale dziko, anadzaza malo onse, nthawi. Panalibe ngakhale a—mita kapena mita ya kuwala, ngakhale panalibe atomu kapena molekyulu, Iye anali akadali Mulungu. Ndipo Iye adzakhala Mulungu nthawizonse. Koma Mmodzi wamkuluyo Yemwe... Ngati inu mungayang'ane mmwamba usiku ndi kuwona nyenyezi m'miyamba. Zaka zingapo zapitazo, ine ndinali ndi mwayi woona kudzera mu galasi lalikulu ili, ndi kumene iwo amadzinenera inu mukhoza kuwona zaka mamillioni handirede ndi twente za danga la kuwala, mamita a kuwala. Ndipo kupyola pamenepe kukadali mwezi ndi nyenyezi ndi mayiko, zimene Iye amazilamulira.

³⁷ Ndipo kenako Iye anali wosamalitsa mokwanira kuti apange zofotokozena kwa ife, podziwa kuti Iye ndi wamkulu kwambiri. Komabe, Iye anabwera pansi mmawonekedwe a munthu, kuti adzafotokozere chimene Iye anali. Iye anadzakhala Munthu wachisoni, wodziwa chisoni. Iye anakhala moyo wa munthu. Iye analibe malo woti agonetsepoo mutu Wake. Iye anali kufotokozena chimene Iwo, chimene Mulungu anali. Iye anachiritsa odwala athu pamene ife tinali kudwala. Iye anawukitsa akufa, kuti akasonyezere kuti Iye anali chifaniziro chofotokozeredwa cha Mulungu. Iye anayala pansi dongosolo la ife tonse, kuti kumene ifenso tingadzayang'ane pa zofotokozena

zazing'ono izi ndi kumuwona Mulungu. Ndiye ife tikhoza kuyang'ana mmwamba ndi kuwona zofotokozerwa zazikukulu za Mulungu, ndi kukhala ndi chitsimikizo, potero, kuti pamene maora awa adzabwera, awa si mapeto a izo.

³⁸ Ine ndikukonda zofotokozerwa zimene mlongo wathu, poyimba, ananena mphindi zingapo zapitazo, "Uyu ndi mlongo wanga. Ine sindingathe kuyimba iyo mwanjira iyi" pokhapokha iye atadziwa kumene iye anali. Mukuwona?

³⁹ Pali njira yomwe ife timadziwira kumene ife tikupita, chifukwa chifaniziro chofotokozeredwa cha Mulungu chinayala pansi dongosolo limeneli. Ndipo, Iye anati, aliyense amene adzavomereze dongosolo ili adzakhala ndi Moyo Wamuyaya. Yohane 5:24 anati, "Iye amene amva Mawu Anga, ndi kukhulupirira pa Iye amene anandituma Ine, ali ndi Moyo wosatha, ndipo sadzabwera ku Chiweruzo; koma wadutsa kuchokera ku imfa kupita ku Moyo."

⁴⁰ Chofotokozerwa chachikulu kwa zonse chinali Yesu Khristu, Amene anatipangira ife njira. Iye anakwaniritsa ndipo anatsimikizira zofotokozerwa zonse zomwe maluwa awa, ndi moyo wa zomera, ndi zina zotero, ndi dzuwa, ndi zoyenda za mmwamba, zinachitira umboni kusanachitike Kudza kwake, kuti panali kubwera Mmodzi Wolungamayo yemwe akanati adzatipangitse ife kuzikhulupirira Izo molimba, chifukwa Iye akanadzakhala chifanizo chofotokozeredwa cha Mulungu. Ndipo pamene Iye anabwera, ndipo nachita zimene Iye anachita, Iye anatsimikizira kuti zofotokozerera izi zinali zolondola. Iye anaperekwa chitsimikiziro kwa iwo. Chifukwa, monga duwa limadzukanso, mtengo umadzukanso, dzuwa limadzukanso, momwemonso Mkhristu adzawukanso kachiwiri. Izo zikuyenera kutero. Chifukwa, Mulungu, mu chifanizo chofotokozeredwa cha munthu, kapena munthu mu chifanizo chofotokozeredwa cha Mulungu, anatsimikizira izo mwa chiwukitsiro Chake.

⁴¹ Kenako, mmenemo, pamene mneneri anawona zinthu izi zikuchitika; Yobu, pamene iye anawona moyo wonse wa zomera, ndi zina zotero. Ndiye, ife amene timalidziwa Baibulo timadziwa zimenezo. Atakhala pa mulu uwu wa phulusa, atapsyinjika, vuto linali litamukhudza iye. Mamembala a mpingo wake anali atamuwuza iye kuti anali a... anali atachimwa mwamseri.

⁴² Nthawi zambiri zanenedwapo, kuti, "Munthu amafa nthawi yake isanafike, kapena chinachake, kuti mwinamwake likhoza kukhala tchimo lina limene iwo analichita. Iwo anachita chinachake cholakwika." Osati... Zimenezo si choncho kwa Mkhristu.

⁴³ Pamene iye anawona zofotokozerwa zazikukulu, zomaliza izi, Mulungu akudziwitsa dongosolo Lake kudzera mwa Yesu Khristu, iye anafulula ndi liwu. Pamene mphezi zinang'anima ndipo mabingu anabangula, iye anati, "Ine ndikudziwa

Muwomboli wanga ali moyo, ndipo pa masiku otsiriza Iye adzayima pa dziko lapansi. Ndipo angakhale mphutsi ya pa khungu yawononga thupi langa, komabe mthupi langa ine ndidzamuwona Mulungu, Yemwe ine ndidzamuwona kwa inemwini.” Iye anawona zofotokozerera zomaliza zija, zaka ma handirede ochuluka mtsogolo. Koma, pokhala mneneri, mmasomphenya iye anawona kubwera kwa zofotokozerera zazikulu za Mulungu.

⁴⁴ Iye amakhoza kuyang’ana pansi ndipo amawona chiwukitsiro cha mbewu. Iye ankakhoza kuwona chiwukitsiro cha mitengo. Ndi chiwukitsiro cha duwa, litatha kutumikira nthawi yake, ndi kudzawukanso; kutumikira kwa tsiku, kuwukira tsiku lina. Maluwa a mwambo wa maliro amodzi, amafa, ndipo amadzawukira ku mwambo wa maliro a winayo. Chirichonse chikutumikira cholinga chake. Kenako iye anawona, patali, Kubwera kwa Mmodzi Wolungamayo, ndipo anafuwula, “Ine ndikudziwa Muwomboli wanga ali moyo.”

⁴⁵ “Mnofu wanga udzapumula mwachiyembekezo,” anatero Davide, “chifukwa Iye sadzalola Woyer Wake kuti awone chivundi; ndiponso Iye sadzasiya moyo Wake ku gehena.” Iye analiwona tsiku limenero, chofotokozerera changwiro cha Mulungu chija, chimene Iye amati adzachite; kuti apange kudziwika, kwa munthu, kuti imfa si mapeto a njirayo.

⁴⁶ Awa si mathero. Ichi ndi chiyambi. Ndi mapeto a chisoni. Ndi mapeto a nthawi ya chisankho. Koma ndi chiyambi cha nthawi ya chisangalalo ndi mphotho. Si mapeto a chirichonse. Ndi mapeto chabe a—a zinthu zachivundi, kuti uyanbe chinthu chachisavundi. Iye wapita ku mpumulo wake. Mulungu apumitse solo yake.

⁴⁷ Tsopano, iye anafuula zofotokozerera zazikulu izi, chifukwa iye anawona zomwe zikanati zidzachitike.

⁴⁸ Tsopano tiyeni tifike ku mathero awa. Ife tasonkhana pano lero, kuti—kuti tidzafotokoze, kapena kudzadziwitsa kumverera kwathu za mzathu, za mlongo, za mkazi, za amayi. Ndi chifukwa chimene ife tasonkhana masana ano; kuti tidzadziwitse, kudzawonetsera kumverera kwathu, kutaya kwathu. Ndi chifukwa chimene ife tiri pano, kuti tidzachite izi. Abambo ndi akuti adzafotokozerera kutayika kwa mkazi wake; ana, amayi; woyandikana naye, kapena mlongo.

⁴⁹ Ife atumiki. Pamene ine ndinawamva iwo, uko kudutsa mchipinda, akupereka ndemanga zopambana izo, zaulemelero, zotonthoza, zomveka bwino, zimene mlongoyo ankatanthauza kwa iwo, ndi mumpingo mwawo. Ife atumiki tabwera, masana ano. Ndithudi, mmitima yathu, tikumva chisoni, nafenso. Koma ife tabwera kuti tidzadziwitse kafotokozedwe ka Mulungu, nafenso, Choonadi Chake pa nkhani yonseyi. Ife tabwera kuti tidzafotokoze zomwe Mulungu amanena za izo, kuti

tidzatonthoze mitima ya anthu; kudzawadziwitsa iwo, molimba momwe kudzidzimuka kungakhalire, komabe izo ziri mu chisamaliro cha Mulungu Wamphamvuzonse kuti wachita izi mwanjira iyi, ndipo ndi dongosolo Lake. Ndipo awa si mathero. Ichi ndi chiyambi cha moyo watsopano.

⁵⁰ Ndiye ife amene Mulungu amatiphunzitsa mu Mawu Ake, za zinthu izi, ife tabwera kudzapereka kufotokoza kwathu. Ndipo momwe ine ndiriru wokondwa ndi izi masana ano, kuti ife tonse tikhoze kufotokoza chinthu chomwecho kwa Mawu a Mulungu, chifukwa iye anawakwaniritsa Iwo.

⁵¹ Mlongo Bell, monga ife timamudziwira iye kuno ku kachisi, mkazi wokondedwa, woyeru, wa Chikhristu, iye anapanga kufotokoza kwake, nayenso. Iye anadziwitsa kumverera kwake za Mulungu. Monga ine ndimamvera akuwerenga mbiri, kanthawi kapitako, ngakhale M'bale Jim asanamukwatire iye, ine ndikuganiza, kumusi ku Tennessee, iye anapanga chigamulo chake. Iye anapanga kufotokoza kwake. Chotero, ndi maumboni. Ndipo monga momwe ine ndikudziwira, kuyambira tsiku limenero, sanasiye konse kupanga kufotokoza kumeneko. Mwinamwake, lero, monga pa makonde a Kumwamba, kwinakwake uko mu madera Amuyaya a Ulemelero, akuyenda mmisewu ya Mulungu, akufotokozabe izo. Kudutsa mithunzi iyi ya gawo lachivundi, iye akufotokozabe izo.

⁵² Mlongo Bell, monga ife tikumudziwira iye, sankachita manyazi ndi umboni wake. Palibe nthawi imodzi yomwe panali kuchita manyazi kulikonse kwa umboni wake. Palibe nthawi imodzi yomwe iye ankazengereza kunena kanthu. Iye ankafotokoza izo, ndipo iye sankachita manyazi. Momwe ine ndamuwonera iye akuyima kumbuyo uko manja ake ali mmwamba, ndipo misonzi ikuyenderera pansi pamasaya ake. Kumuwona iye atayima apa pa guwa ili, ndi kumayimba nyimbo zomwe zinkapangitsa mpingo wonse kufuula, za Dziko, kukhala kutali kudutsa kuno. Iye sankachita manyazi. Iye amapereka kufotokoza kwake konsekone. Woyandikana naye aliyense, mpingo uliwonse, kulikonse kumene iye anali wolumikizana nawo, ankadzizindikiritsa yekha, kufotokoza zomwe iye ankaganiza za Mulungu. Unali moyo wake, zonse zomwe iye akanakhoza kukhala, iye anafotokoza chimene iye anali mwa Khristu Yesu, cholengedwa chobadwa mwatsopano.

⁵³ Iye anali bwenzi lokondedwa la amayi anga okalamba okondedwa amene—amene anakwera masitepe omwewo, masabata angapo apitawo. Lero, iwo ali limodzi.

⁵⁴ Ndi chinthu chodabwitsa bwanji, kuwona zofotokozererazo, momwe Mulungu amachitira. Makalata ake; Mlongo Bell. Nthawi iliyonse ndikabwera kunyumba, Billy, mwana wanga, amandibweretsera ine mulu wa makalata, mafoni, mosalekeza, kuchokera kwa Mlongo Bell. “Mupempherereni

uyu. Mupempherereni uyo." Izo, kodi izo zinkachita chiyani? Kwa ine, izo ndi zofotokoza zake, kudziwitsa kwake kwa chimene chinali mkatı mwake; kulemedwa naye munthu mzake, kulemedwa nawo ana ake, kulemedwa naye aliyense amene anali pafupi, ndi wodwala aliyense.

⁵⁵ Mlongo Bell pafupifupi amakhala moyo mwa chisomo cha Mulungu, zaka zingapo zapitazi. Iye anali wokhulupirira wokhulupirika mu phamu ya Mulungu yochiritsa. Ndipo izo zinachitika usiku wina... Sindicayambe ndamupemphererapo iye mmoyo wanga, ndi kupemphera ndi wokondedwa woyerwa wakale uyo, mpaka, pokhapokha ngati Mulungu amuchiritsa iye.

⁵⁶ Ndipo usiku wina, pamene ine ndinaitanidwa, ine ndinali nditangofika kumene kuchokera ku Arizona, pafupifupi pakati pa usiku. Iwo anamuimbira mwana wanga ndipo anati, "Mlongo Shepherd, mzawo wa Mlongo Bell, akufuna kuti inu mumupempherere iye. Iye ali mchipatala." Ine ndinamva izo kuti ndi Mlongo Shepherd; dona wina, mwinamwake ali mchipinda chino tspano, dzina lake Shepherd, yemwe iye ankamudziwa. Ine ndinkaganiza kuti iye anali mchipatala.

⁵⁷ Mmawa wotsatira iwo anayimbanso, pafupifupi leveni chakuti, ndipo anati, "Si Mlongo Shepherd. Ndi Mlongo Bell, iyemwini, ali mchipatala." Ndipo kuwona zimenezo, chisamaliro chanzeru ndi dongosolo la Mulungu. Iye asanafike konse kumeneko, Mlongo Bell anali atakwera kale Masitepe agolide. Ine ndisanafike kumeneko, Mulungu anali atatothola duwa Lake la mtundu, kuti akapange nkhata Yake ya maluwa a Mzakachikwi. Ine ndisanakafike konse kumeneko, iye anali atapita kuti akakomane ndi Mulungu. Kufotokoza kwa Mulungu kwa chikondi Chake!

⁵⁸ Zaka zonzezi za banja lokondwa zinali kufotokoza kukhulupirika kwake monga mkazi, kuti ampangire nyumba mwamuna wake ndi ana ake. Icho chimadzifotokoza chokha kudutsa mu nthawi zovuta, pamene ana aang'ono amabwera kudzazungulira tebulo, ndi kumapita movutika. Ndipo, amayi, zimatengera mayi kuti adziwe momwe angagwirizanitse zinthu, kuti likhale lokhalitsa—lokhalitsa, pamene kamwa zanjala zazing'ono zabwera kudzazungulira tebulo. Koma, kuyima pambali pa mwamuna wake, wokhulupirika, kuyima ndi ana ake, chinali kufotokoza kwa kukhulupirika kwenikweni. Zimenezo ndi pamaso pa aliyense wa inu. Sindicayenera kunena zimenezo. Inu mukudziwa kuti zimenezo ndi zoona. Mukuona? Inde, bwana.

⁵⁹ Ndipo kuchonderera kwake kosalephera kwa ana ake! Ine sindikukhulupirira kuti ndinayamba ndakumanapo naye iye, kapena kumusiya iye, popanda iye kupempha pempho la ana amenewo. Izo zinkawonetsera umayi weniwени, podziwa

kuti moyo ndi loto chabe kapena malo okonzekera. Kwa ana ake, iye ankafuna kuti adzakakomane nawo iwo Mdziko kuseri kwa kuno, kumene sikudzakhalanso nthawi zovuta. Iye nthawizonse ankanena kwa ine... Iye ankanditcha ine M'bale Billy. Iye ankati, "M'bale Billy, muwapempherere ana anga, aliyense wa iwo asadzatayike." Ngati uko sizikuwonetsera umayi weniweni; mayi amene amakhala ndi chidwi ndi ana ake, kukhala ndi chidwi ndi oyandikana naye, mwamuna wake, wokondedwa wake! Ndi Mulungu mwa mkaziyo, akuwonetsera zinthu Zamuyaya.

⁶⁰ Momwe ndikumumvera chisoni mwamuna wake, mzanga wabwino. Momwe ine ndikuwamvera chisoni anyamata amenewo, kumva uthenga wa ena a iwo ali ku Germany ndi malo osiyanasiyana, amayi apita. Koma iye akhoza kukhala kuti wachoka pamaso panu pano, anyamata, koma iye sa—iye sanafe. Iye ndi wamoyo kwanthawizonse. Iye akukhala moyo mu Dziko limene iye ankapemphera kuti aliyense wa inu adzakakomane naye iye. Musalole kuti iye akhumudwe. Ndikutsimikiza kuti satero.

⁶¹ Ine ndikumuwona mmodzi anayankhula za gudumu lija, masana ano. Ine ndikukumbukira pamene sipoko imodzi inachotsedwa ku banja langa. Mmodzi ndi mmodzi, iwo adzakhala akuchokapo. Izo sizitenga nthawi yotalika kwambiri. Mvetserani. Gudumu limenero likhoza kudzalumikizidwa palimodzi kachiwiri, mu Dziko linalo kumene sikudzakhalako magudumu osweka, kumene chuma chachikulu cha Mulungu chikhoza kukapezekako ndipo chikhoza kumakapitirira kudutsa mibadwo. Mulole izo zidzakhale mwanjira imeneyo, apabanjanu. Inu nthawizonse mwakhala muli ndi mayi; tsopano muzikhala naye nthawizonse. Uko nkulondola.

⁶² Chinthu china chimene chimawonetsera chikondi cha Mulungu. Monga ndamvera, kuti, pempho lake linali lakuti asadzakalambe ndi kudzakhala nthawi yaitali, kumakhalapobe ndi kumadzachita kunyamulidwira uku ndi uku mu usinkhu wawukalamba, ndi kudzalumala ndi—ndi wodwalika, ndi kumadzafa pang'onopang'ono. Mulungu wayankha chopempha chimenecho. Uko nkulondola. Bwanji, ma Lamlungu angapo apitawo, iye anali atayima pano pa mpando wa tchalitchi, akuyimba Uthenga waulemelero wa Khristu.

⁶³ Ichi ndi chiyani? Ndi chiyani chimenechi pa mayi, zikuwoneka ngati, zachitika msanga, pafupifupi usinkhu wa zaka sikisite-faiyi, nkumapita? Kodi zimenezo zikutanthauza chiyani? Ndi Mulungu akudziwonetsera Yekha, kuti, "Iye sadzakaniza chinthu chabwino kwa iwo amene ayenda mowongoka pamaso Pake." Mulungu, kuwonetsera mu imfa yake yomwe, ndi Mulungu akuwonetsera kwa ife, kuti Iye ndi Mulungu, ndipo Iye adzawapatsa iwo chokhumba cha mtima

Wake, mtima wawo, amene adzayenda mowongoka pamaso pa Iye.

⁶⁴ Powona izi, kuti Iye ndi Mulungu, ndipo ife tonse tiyenera kudzabwera pa malo awa, ndiyе tiyeni ife tiziyang'ana pa zizindikiro Zake za zofotokozerera. Chikondi Chake, Mpingo Wake, anthu Ake, ndi chirichonse chimene icho chiri, zonsezо ndi zofotokozerera za Mulungu kwa ife. Ndiyе ine ndikuganiza ife tonse tiyenera tiziweramitsa mitu yathu modzichepetsa ndi kumuthokoza Mulungu chifukwa cha moyo uno umene, kudzera mwa Khristu, wagonjetsa ngakhale imfa yomwe.

⁶⁵ Ndiyeno Mawu a Yesu pamene Iye anapita kwa mwana wamkazi wa Yairo, "Iye sanafe, koma wagona." Iye wapita ku tulo take, ndipo osati ku imfa yake. Pakuti iye anafa zaka zambiri zapitazo, monga mtsikana wamng'ono, ndipo tsopano iye akukhala mwa Khristu; ndipo akungogona, kwa ife, koma ali mmaso ndi Khristu.

⁶⁶ Tiyeni tiweramitsa mitu yathu ndiyе ndipo tipereke mathokozo chifukwa cha moyo wochirimika uwu.

⁶⁷ Atate Akumwamba, ndithudi Inu mukuidziwa mitima yathu, ndithudi Inu mukudziwa maganizo mmalingaliro athu. Inu mukudziwa zonse za ife. Ndife Chirengedwe cha dzanja Lanu. Inu mukudziwa kuti ndife achisoni kumuuwona Mlongo Bell akuchotsedwa kwa ife. Koma, Mulungu, ife tikuweramitsa mitu yathu ndi mitima, moyamikira kuti chopempha chake chinaperekedwa, ndi kuti chokhumba Chanu pa iye chinakwaniritsidwa. Kuti, ngakhale kuno kumapeto a msewu, pamene mbiri ya moyo wake idzalembedwa mmoyo wa aliyense yemwe iye anakomana naye, kuti iye anali wantchito Wanu. Chikoka chake chikhalebe mmitima ya onse omwe amamudziwa iye. Mulungu, ife tikupemphera kuti Inu mupunitse moyo wake wochirimika mu Dziko ilo limene iye ankalikonda, ndipo ankayankhula za ilo ndi kumayimba za ilo, zaka zonsezi.

⁶⁸ Ine ndikumupempherera Jimmy, madzulo ano, Ambuye. Pamene ine ndikumuuwona iye atakhala pamene po, ndipo iye akuwonetsera maganizo ake pamene misonzi yonyezimira ikuyenderera pansi pa tsaya lake. Iye akuganizira za mkazi wokhulupirika. Ndipo za ana awa omwe, misozi ikuyenderera mmasaya mwawo, iwo akuganizira za mayi wokondedwa. Ndipo ife tikupemphera, Mulungu, kuti Inu muwadalitse iwo. Mutonthoze mitima yawo. Tambasulani Dzanja limenelo, limene kumene chirichonse sicingafikireko, ilo likhoza kupita ku mtima wa munthu, ndi kuwapatsa iwo kukhutitsidwa kwakukulu uku, kuti tsiku lina ife tidzakomananso, ndipo sitidzakhalanso ndi mwambo wina wa maliro Kumeneko.

⁶⁹ Adalitseni okondedwa ake, azichimwene ake, azichemwali ake, adzukulu ake, ndi anansi ake.

⁷⁰ Ndi mipingo iyi, Ambuye, ife tikudziwa momwe iyo imamukondera iye. Pamene iye amayenda pakati pathu, iwo, iye amayenda pakati pa iyo. Ndipo palimodzi, ndi iwo, Ambuye, ife—ife tikugawana kumverera kwakukulu uku, kuti ife tinkamukonda iye. Ndipo ife tiri pano kudzawonetsera kwathu—kwathu—kuyamikira kwathu kwa Inu, chifukwa cha moyo wake.

⁷¹ Tiwumbeni ife, Ambuye, ndipo mutipange ife, kuti ife, nafenso, pamene ife tidzafika kumathero a ulendo, tidzakhale okonzeka kudzakomana ndi Inu. Khululukirani machimo athu ambiri, O Mulungu Wamuyaya. Tichitireni ife chifundo, Ambuye, pakuti ndife ofooka ndi otopa.

⁷² Ndipo ine ndikupemphera kuti Inu mutipatse ife chitonthozo, masana ano. Mulole ife tichipeze icho mu mawu awa amene afotokozeredwa kuchokera mu Mawu Anu, kudzera mwa atumiki osiyanasiyana, ndi iwo amene anadzozedwa kuti abweretse zoterozo, ndi kupiylera mwa anansi ndi abwenzi. Mulole ife tikapeze mmenemo, ndi umboni wa—wa maluwa, ndi mitengo, ndi kuwala kwa dzuwa, masamba, ndipo—ndipo pamwamba pa zonse, ndi Kukhalapo kwa Mzimu Woyeru, umene umachitira umboni chiwukitsiro cha Khristu. “Ine sindidzakusiyani inu opanda chitonthozo. Ine ndidzawapempha Atate, ndipo Iye adzakupatsani inu Mtonthozi wina, ndipo Iye adzakhala nanu kwanthawizonse.” Oh, momwe ife timamukondera Iye, Ambuye! Ndipo momwe ife tikukuyamikirirani Inu pomutumiza Iye kwa ife, kuti adzatipatse ife chitsimikizo chodala ichi mu maora ndi nthawi ya mavuto.

Tsopano tipatseni ife mphamu pa zimene zikubwera popitirira ndi msonkhano.

⁷³ Ine ndikufuna kuti ndifunse mwapadera, Ambuye, pakali pano chifukwa cha anyamata awa omwe akhala apa mu yunifolomu. Odala akhale anyamata amenewo, pamene iwo azibwerera ku maudindo awo. Koma ine ndikupemphera, Ambuye, kuti pa tsiku limenero... Ife tikukuyamikira mayunifolomu awa omwe iwo avala tsopano. Koma mulole pemphero la amayi liyankhidwe: mulole iwo adzavekedwe mu chiyero ndi chirungamo cha Yesu Khristu, pa tsiku limenero. Atsikana, ndi onse pamodzi, Ambuye, icho ndi chimene ife tikufuna kuti tikhale, asilikari Achikhristu, chikhulupiriro champhamu kwenikweni. Titsogolereni ife ndi kutilondolera ife kufikira tsiku limenero, Ambuye, pamene ife tidzakomana kenanso.

⁷⁴ Ife tikukuthokozani Inu chifukwa cha moyo wake tsopano, ndipo tikupemphera kuti Inu mukhale nafe ife tonse mpaka ife tonse tidzakomane pa mapazi Anu. Mu Dzina la Yesu ife tikupempha izi. Ameni.



ZOFOTOKOZERERA CHA62-0313
(Expressions)

Uthenga uwu wa M'bale William Marrion Branham, woperekedwa mu Chingerezi Lachiwiri masana, Marichi 13, 1962, pa maliro a Mlongo Mary Bell ku Branham Tabernacle mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org